

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 10. sjednici, održanoj dana 13.05.2015. godine, d o n o s i

ZAKLJUČAK

I.

Utvrđuje se Prijedlog Odluke o proširenom obimu prava iz zdravstvene zaštite za branioce i članove njihovih porodica.

II.

Zaključak sa Prijedlogom Odluke iz tačke I. ovog zaključka dostavlja se Stručnoj službi Skupštine Zeničko-dobojskog kantona u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15

Datum, 13.05.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za boračka pitanja,

1x Stručna služba Skupštine,

1x a/a.

Obrazloženje:

Pravni osnov:

Članom 16. stav 4. Zakona o Vladi Zeničko-dobojskog kantona - Prečišćeni tekst ("Sl.novine ZDK" br.7/10), propisano je da Vlada donosi zaključke kojima se utvrđuju stavovi o pitanjima od značaja za sprovođenje utvrđene politike, odnosno određuju zadaci kantonalnih organa uprave.

Razlozi za donošenje:

Programom rada Skupštine Kantona za 2015.godinu predviđeno je i donošenje Odluke o proširenom obimu prava iz oblasti zdravstvene zaštite za branioce i članove njihovih porodica, kao podzakonskog akta po Zakonu o dopunskim pravima branilaca i članova njihovih porodica, objavljenog u "Službenim novinama ZDK" broj 1/14.

Prijelaznim odredbama istog Zakona predviđena je primjena podzakonskih akata donesenih na osnovu ranijeg Zakona o dopunskim pravima branilaca i članova njihovih porodica ("Službene novine ZDK" broj 6/06 i 9/07), a do donošenja novih podzakonskih akata u skladu sa važećim Zakonom.

S tim u vezi je i Programom rada Vlade i Skupštine Kantona za 2014.godinu bilo predviđeno utvrđivanje Prijedloga naznačene Odluke i upućivanje iste u skupštinsku proceduru.

Ministarstvo za boračka pitanja, kao obrađivač Odluke je, nakon postignutog sporazuma sa kantonalnim branilačkim organizacijama na sastanku održanom 28.03.2014.god., sačinilo tekst Prijedloga Odluke, pri čemu je u osnovi koristilo tekst još važeće Odluke donesene na osnovu prethodnog Zakona, a koji je uskladilo sa odredbama novog Zakona, te predložilo i određene dopune za koje smatra da će biti u funkciji poboljšanja ostvarivanja prava iz ove oblasti. Isti je Prijedlog, uz pribavljeno mišljenje Sekretarijata za zakonodavstvo, Ministarstva za pravosuđe i upravu i Ministarstva finansija uputilo Vladi 31.03.2014.godine. Zaključkom Vlade od 17.04.2014.g. odloženo je izjašnjavanje po dostavljenom Prijedlogu Odluke, sa zaduženjem Ministarstvu za boračka pitanja za doradu ostog i pribavljanje novog mišljenja Ministarstva finansija u skladu sa diskusijom na sjednici. U svom mišljenju od 05.05.2014.god. Ministarstvo finansija je uputilo zahtjev za dopunu člana 34. Odluke odredbom o realizaciji sredstava za namjene predviđene Odlukom "isključivo u skladu sa procentom ostvarenja javnih prihoda u Budžet Kantona." Ministarstvo je zatražilo od kantonalnih branilačkih udruženja očitovanje po ovom zahtjevu Ministarstva finansija, a u svojim odgovorima Savez ratnih vojnih invalida ZDK, UG RVI-paraplegičara ZDK, Savez slijepih boraca ZDK i Savez demobilisanih boraca OOR 1992-1995 ZDK, su isti kategorički odbili. Ovo je u obrazloženju novog Prijedloga Odluke, kojeg je Ministarstvo uputilo Vladi Kantona 27.06.2014.god. između ostalog navedeno kao razlog za nemijenjanje odredbe teksta Odluke usaglašenog sa branilačkim udruženjima.

Zaključkom Vlade od 03.07.2014.god odgođeno je izjašnjenje po Prijedlogu Odluke, a od Ministarstva je na istoj sjednici zatraženo unošenje u sve podzakonske akte po Zakonu o dopunskim pravima branilaca i članova njihovih porodica odredbe o utrošku sredstava u skladu sa zashtjevom Ministarstva finansija te ograničenje sredstava o kojima odluku donosi ministar na 1000 KM.

S tim u vezi je Vladi Kantona 09.07.2014.god. upućen novi zahtjev za donošenje 11 podzakonskih akata te zaključka o utvrđivanju Prijedloga Odluke o proširenom obimu prava iz zdravstvene zaštite za branioce i članove njihovih porodica, u tekstu kojeg je ispoštovan zahtjev za ograničenje u pogledu sredstava o utrošku kojih odlučuje Ministar, dok je Vlada na sjednici 10.07.2014. izvršila dopunu člana 34. prema kojoj se sredstva za ostvarivanje prava utvrđenih Odlukom osiguravaju u Budžetu Kantona "u skladu sa prilivom sredstava" te donijela zaključak o utvrđivanju Prijedloga Odluke u tom tekstu i upućivanju iste u skupštinsku proceduru.

U postupku po zahtjevu Premijera Kantona i Predsjedavajuće Skupštine Kantona od 30.04.2015.god., Ministarstvo je preispitalo tekst Prijedloga Odluke utvrđen na sjednici Vlade od 10.07.2014.god. te pribavilo mišljenja kantonalnih branilačkih udruženja u vezi sa istim, a koji su u svom odgovoru naveli da ostaju pri saglasnosti datoj u pisanoj formi na tekst Prijedloga Odluke prezentiran na sastanku održanom 28.03.2014.godine.

S tim u vezi Ministarstvo upućuje novi prijedlog zaključka Vlade Kantona o utvrđivanju Prijedloga Odluke o proširenom obimu prava iz zdravstvene zaštite za branioce i članove njihovih porodica, u tekstu na koji postoji saglasnost svih kantonalnih udruženja branilaca i članova njihovih porodica.

Obrazloženje Prijedloga Odluke sadrži detaljnije razloge za donošenje iste, kao i podatke o provedenoj proceduri izrade iste.

U vezi sa iznesenim predlaže se prihvatanje ovog zaključka kojim se utvrđuje dostavljeni tekst Prijedloga Odluke, te upućivanje istog u skupštinsku proceduru.

MINISTAR
Fahrudin Čolaković

Na osnovu člana 37. stav 1. tačka f) Ustava Zeničko-dobojskog kantona i člana 6. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14) Skupština Zeničko-dobojskog kantona na ____ sjednici održanoj ____05.2015.godine d o n o s i

ODLUKU

O PROŠIRENOM OBIMU PRAVA IZ OBLASTI ZDRAVSTVENE ZAŠTITE ZA BRANIOCE I ČLANOVE NJIHOVIH PORODICA

DIO PRVI - OPĆE ODREDBE

Član 1.

(Predmet Odluke)

Ovom Odlukom utvrđuje se prošireni obim prava iz oblasti zdravstvene zaštite, uvjeti, način i postupak za ostvarivanje istih za branioce i članove njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona ili koji su na evidenciji nadležnog organa za vojne evidencije u općinama Kantona.

Član 2.

(Korisnici prava)

(1) Korisnici prava po ovoj Odluci su:

- a) dobitnici ratnih priznanja ili odlikovanja;
- b) ratni vojni invalidi;
- c) demobilizirani branioци sa statusom učesnika rata - pravo iz člana 7. tačka a);
- d) demobilizirani branioци koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu - prava iz člana 7. tačke b) i c);
- e) članovi porodice šehida, poginulih, umrlih i nestalih branilaca i umrlih ratnih vojnih invalida;
- f) članovi uže porodice poginulih, umrlih ili nestalih dobitnika ratnog priznanja ili odlikovanja;
- g) članovi porodice umrlih ratnih vojnih invalida i umrlih demobiliziranih branilaca, koji su kao posebni korisnici utvrđeni odredbama člana 4. ove Odluke.

(2) Prava po ovoj Odluci lica iz stava (1) ovog člana mogu koristiti pod uvjetom da imaju prebivalište na području Kantona u trajanju od najmanje 24 mjeseca u kontinuitetu, osim povratnika u Republiku Srpsku.

Član 3.

(Definicije)

Pojmovi i definicije iz ove Odluke: dobitnik ratnog priznanja ili odlikovanja, ratni vojni invalid, demobilizirani branilac, učesnik rata, član porodice šehida, poginulog, umrlog, nestalog branioца i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05,

70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).

Član 4. (Posebni korisnici)

(1) Prava po ovoj Odluci može koristiti i:

- a) dijete šehida, poginulog, umrlog, nestalog branioca, kojem je prestalo pravo na porodičnu invalidninu, do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) ovog člana, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu, do navršene 30. godine života;
- c) dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršene 30. godine života;
- d) udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;
- e) roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

(2) Pojmovi dijete ratnog vojnog invalida i dijete demobiliziranog branioca, upotrijebljeni su u skladu sa odredbama Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14).

Član 5. (Dokazivanje statusa)

U postupku ostvarivanja prava po ovoj Odluci, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Član 6. (Obrasci zahtjeva za ostvarivanje prava)

Zahtjevi za ostvarivanje prava po ovoj Odluci podnose se na obrascima koje propisuje ministar Ministarstva za boračka pitanja (u daljnjem tekstu: Ministarstvo), u roku od osam dana od dana stupanja na snagu ove Odluke.

DIO DRUGI - PRAVA

Član 7. (Prava po Odluci)

Prošireni obim prava iz zdravstvene zaštite po ovoj Odluci odnosi se na:

- a) Zdravstveno osiguranje;
- b) Nabavku ortopedskih i drugih pomagala i njihovu opravku;
- c) Liječenje i nabavku lijekova.

POGLAVLJE I. ZDRAVSTVENO OSIGURANJE

Član 8.

(Korisnici prava)

- (1) Branioci i članovi njihovih porodica iz člana 2. i 4. ove Odluke, koji pravo na zdravstveno osiguranje ne mogu ostvariti u skladu sa odredbama Zakona o zdravstvenoj zaštiti ("Službene novine Federacije BiH" broj 46/10 i 75/13) i Zakona o zdravstvenom osiguranju ("Službene novine Federacije BiH" broj 30/97, 7/02, 70/08 i 48/11) po osnovu radnog odnosa, nezaposlenosti, po osnovu prava iz penzijsko-invalidskog osiguranja ili po drugom osnovu, pravo na zdravstveno osiguranje ostvaruju po osnovu ove Odluke.
- (2) Sredstava za realizaciju prava iz stava (1) ovog člana osiguravaju se u Budžetu Zeničko-dobojskog kantona, na budžetskoj poziciji Ministarstva.
- (3) Visinu stope doprinosa za zdravstveno osiguranje korisnika zdravstvene zaštite po ovoj Odluci, predlaže Ministarstvo.
- (4) Izuzetno, pravo na zdravstveno osiguranje po ovoj Odluci može ostvariti i lice koje po osnovu postojećeg zdravstvenog osiguranja u Republici Hrvatskoj ne može ostvariti pravo na zdravstvenu zaštitu u mjestu prebivališta na području Kantona.

Član 9.

(Podnošenje zahtjeva i donošenje rješenja)

- (1) Zahtjev za priznavanje prava na zdravstveno osiguranje za sebe i članove svoje porodice, korisnik prava podnosi općinskoj službi nadležnoj za poslove branilačko-invalidske zaštite prema mjestu prebivališta podnosioca zahtjeva, odnosno na području koje ostvaruje prava iz branilačko-invalidske zaštite ili je na evidenciji nadležnog organa za vojne evidencije (u daljnjem tekstu: općinska služba).
- (2) Uz zahtjev iz stava (1) ovog člana, koji mora biti obrazložen, zainteresovana lica prilažu:
 - a) dokaz o statusu branioca i člana njegove porodice,
 - b) dokaz o prebivalištu u trajanju od najmanje 24 mjeseca u kontinuitetu do dana podnošenja zahtjeva (osim povratnika u RS),
 - c) dokaz o nemogućnosti ostvarivanja prava podnosioca zahtjeva i članova njegove porodice po drugom osnovu (uvjerenje o nezaposlenosti sa navedenim razlozima zbog kojih lice nije osigurano po tom osnovu), uvjerenje Porezne uprave, uvjerenje PIO/MIO,
 - d) dokaz o posljednjem osnovu zdravstvenog osiguranja do dana podnošenja zahtjeva (kopija zdravstvene legitimacije).
- (3) Općinska služba kojoj je podnesen obrazloženi zahtjev sa potrebnom dokumentacijom za priznavanje prava na zdravstveno osiguranje po ovoj Odluci, dužna je u roku od sedam dana dostaviti Ministarstvu prijedlog o odbijanju ili priznavanju prava na zdravstveno osiguranje.
- (4) Na osnovu primljene obavijesti Ministarstva o saglasnosti ili odbijanju dostavljenog prijedloga, općinska služba donosi rješenje o priznavanju prava ili odbijanju zahtjeva za zdravstveno osiguranje.
- (5) Doneseno rješenje općinska služba dostavlja Ministarstvu i podnosiocu zahtjeva.
- (6) O žalbi na rješenje iz stava (4) ovog člana rješava Ministarstvo.

Član 10.

(Prijavljivanje korisnika i izdavanje zdravstvene knjižice)

Prijavu na zdravstveno osiguranje lica kojem je rješenjem općinske službe priznato pravo na zdravstveno osiguranje na osnovu ove Odluke, popunjava općinska služba i istu dostavlja Poreznoj upravi FBiH, Kantonalni porezni ured Zenica (u daljnjem tekstu: Porezna uprava) u jedinstven sistem registracije prijava/odjava osiguranih lica u određenim okolnostima - Obrazac JS 3120, te izdaje zdravstvenu legitimaciju, koju korisnik zdravstvene zaštite ovjerava u Zavodu zdravstvenog osiguranja Zeničko-dobojskog kantona (u daljnjem tekstu: Zavod).

Član 11.

(Odjava korisnika zdravstvene zaštite)

- (1) Kada se iz bilo kojeg razloga steknu uvjeti za prestanak prava na korištenje zdravstvene zaštite po ovoj Odluci, općinska služba donosi rješenje o prestanku prava na zdravstveno osiguranje, te dostavlja odjavu osiguranja Poreznoj upravi i Ministarstvu u roku od osam dana od dana saznanja za promjenjenu okolnosti koje su od uticaja za prestanak odnosno daljnje korištenje prava.
- (2) Korisnik prava je dužan u roku od 15 dana prijaviti svaku promjenu koja povlači izmjenu ili gubitak prava na zdravstveno osiguranje po ovoj Odluci.

Član 12.

(Revizija i dostavljanje izvještaja)

- (1) Općinska služba je dužna vršiti redovnu mjesečnu reviziju ostvarivanja prava na zdravstveno osiguranje korisnika prava po ovoj Odluci.
- (2) Izvještaj o izvršenoj reviziji iz stava (1) ovog člana sa podacima o broju korisnika zdravstvene zaštite i broju objavljenih lica po ovoj Odluci, općinska služba dostavlja Ministarstvu najdalje do 5. u mjesecu za prethodni mjesec.
- (3) Ukoliko općinska služba ne dostavi izvještaj o izvršenoj reviziji sa podacima i u roku iz stava (2) ovog člana, Ministarstvo će pokrenuti postupak odjave korisnika prava.

POGLAVLJE II. NABAVKA ORTOPEDSKIH I DRUGIH POMAGALA I NJIHOVA OPRAVKA

Član 13.

(Sadržina prava)

Lica iz člana 2. i 4. ove Odluke, u skladu sa važećim zakonskim propisima ostvaruju pravo na novčanu pomoć za:

- a) finansiranje nabavke odgovarajućih proteza i drugih ortopedskih pomagala, ukoliko iste ne mogu ostvariti po osnovu zdravstvenog osiguranja, preporučenih od strane nadležnog ljekara (za profesionalno ili radno angažovane, aktivne sportiste i slučajeve izmijenjenog zdravstvenog stanja) i odobrene od strane stručne komisije u vremenu znavljanja ortopedskog pomagala ili u bilo koje vrijeme kad je to medicinski nužno;
- b) ugradnju modulskih sklopova u standardne proteze kod visokih i dvostrukih amputacija donjih ekstremiteta;
- c) finansiranje ostalih potreba:
 - 1) sufinansiranje nabavke ortopedskih pomagala koji se nabavljaju na teret sredstava Zavoda, do visine pune nabavne cijene, i to:
 1. invalidskih kolica sa sljedećim karakteristikama; težine do 10 kg; sklopiva i preklopiva, pogodna za lakše savladavanje arhitektonskih barijera, sa dobrom i

jednostavnom mogućnošću manevrisanja, pogodna za samostalno unošenje u automobil i sl.;

2. antidekubitalnih jastuka sa sljedećim karakteristikama: da dimenzijama odgovaraju veličini kolica, da imaju dovoljan broj ventila za puhanje čime se omogućava željeni balans u pojedinim dijelovima jastuka, da kvalitetom sprječavaju nastanak dekubitusa i dr.;
 3. antidekubitalnih madraca koji kvalitetom sprečavaju nastanak dekubitusa i doprinose što bržem zarastanju postojećih rana.
- 2) nabavku tifle tehničkih pomagala za slijepe i slabovidne RVI: bijeli štap, naočale, slušni aparat i dr.
- 3) finansiranje servisiranja, opravke i nabavke rezervnih dijelova za ortopedska pomagala u punom iznosu, nakon isteka garantnog roka i nabavke materijala koji omogućavaju korištenje ortopedskog pomagala.

Član 14.

(Podnošenje zahtjeva)

Zahtjev za novčanu pomoć za nabavku i opravku/servisiranje ortopedskog i drugog pomagala, korisnik prava podnosi općinskoj službi.

Član 15.

(Potrebna dokumentacija)

- (1) Uz zahtjev za nabavku odnosno opravku/servisiranje ortopedskog i drugog pomagala, korisnik prava obavezno prilaže:
- a) dokaz o statusu branioca i člana njegove porodice;
 - b) fotokopiju lične karte;
 - c) dokaz o prebivalištu u trajanju od najmanje 24 mjeseca u kontinuitetu do dana podnošenja zahtjeva (osim povratnika u RS);
 - d) odgovarajući medicinski nalaz sa prijedlogom;
 - e) potvrdu nadležnog ljekara specijaliste o potrebi ortopedskog i drugog pomagala, ovjerenu od strane Zavoda, sa iskazanim ličnim učešćem ili 100% plaćanjem;
 - f) originalni predračun koštanja nabavke ortopedskog i drugog pomagala.
- (2) Uz zahtjev za opravku/servisiranje ortopedskog i drugog pomagala obavezno se prilaže originalni predračun koštanja potrebne opravke/ servisiranja.

Član 16.

(Posebni slučajevi)

- (1) U slučajevima kada je korisniku potrebno novo ortopedsko ili drugo pomagalo ili opravka/servisiranje pomagala koje koristi, a ukoliko se nabavka ne može ostvariti na teret sredstava Zavoda, isti je dužan pribaviti prijedlog ljekara specijaliste odnosno zdravstvene ustanove u kojoj ostvaruje primarnu zdravstvenu zaštitu, za nabavku novog odnosno opravku/servisiranje postojećeg ortopedskog ili drugog pomagala.
- (2) Prijedlog ljekara iz stava (1) ovog člana se izdaje nakon izvršenog neposrednog uvida u zdravstveni karton korisnika prava i upoznavanja sa podacima o ranijem liječenju, a isti mora biti obrazložen i sadržavati podatke o vrstu i tipu ortopedskog ili drugog pomagala, odnosno opravci/servisiranju.
- (3) Pored medicinske dokumentacije iz koje se može utvrditi dijagnoza bolesti i način liječenja korisnika prava (otpusnice iz ustanova gdje je obavljeno stacionarno liječenje, nalaza ljekara

specijalista hirurgije, ortopeda, traumatologa, neurohirurga, neuropsihijatra i sl.), obavezna je kontrola i pregled kod nadležnog specijaliste ortopeda, čiji nalazi ne smiju biti stariji od 30 dana.

- (4) Nalaz specijaliste ortopeda mora ukazivati na neophodnost nabavke ortopedskog ili drugog pomagala, određene vrste, tipa i modela, odnosno opravke/servisiranja.

Član 17.

(Prijedlog općinske službe)

U roku od pet dana po prijemu zahtjeva općinska služba utvrđuje prijedlog za nabavku odnosno opravku/servisiranje ortopedskog i drugog pomagala (u daljnjem tekstu: prijedlog općinske službe), koji uz kompletnu dokumentaciju korisnika prava (zahtjev, prijedlog ljekara i prateću medicinsku dokumentaciju) dostavlja Ministarstvu na daljnji postupak.

Član 18.

(Komisija)

- (1) Nakon stručne obrade prijedloga općinske službe od strane službenika Ministarstva nadležnog za poslove nabavke ortopedskih i drugih pomagala, isti se sa kompletnom dokumentacijom prosljeđuje Komisiji za odobravanje nabavke ortopedskog pomagala (u daljnjem tekstu: Komisija), koju svojim rješenjem imenuje ministar Ministarstva, u roku od pet dana od stupanja na snagu ove Odluke.
- (2) Komisiju čine dva ljekara specijalista ortopeda i službenik Ministarstva iz stava (1) ovog člana, koji je ujedno i sekretar Komisije.
- (3) Posebnim rješenjem ministra Ministarstva utvrđuje se naknada za rad članova Komisije, izuzev za sekretara Komisije.
- (4) Sjednice Komisije, u dogovoru sa ostalim članovima, zakazuje sekretar Komisije.
- (5) Sjednice se održavaju po potrebi, a o radu Komisije vodi se zapisnik.

Član 19.

(Rad Komisije)

- (1) Komisija vrši vještačenje po svakom zahtjevu pojedinačno.
- (2) U slučaju potrebe, Komisija poziva podnosioca zahtjeva na pregled, a može zatražiti i druga medicinska ispitivanja.
- (3) U nalazu i mišljenju Komisije se navodi broj i datum održavanja sjednice, da li je potrebna nabavka ortopedskog ili drugog pomagala i kojeg modela, te prijedlog ministru Ministarstva za odbijanje zahtjeva ili odobravanje sredstava za nabavku, odnosno servisiranje/opravku ortopedskog i drugog pomagala.
- (4) U nalazu i mišljenju se navodi razlog za slučaj nemogućnosti odobravanja nabavke ili servisiranja/opravke ortopedskog i drugog pomagala.

Član 20.

(Odluka o odobravanju pomoći i izdavanje rješenja)

- (1) Na prijedlog Komisije i u skladu sa kriterijima utvrđenim ovom Odlukom, ministar Ministarstva donosi odluku o odobravanju pomoći za nabavku, odnosno servisiranje/opravku ortopedskog i drugog pomagala, po podnesenim pojedinačnim zahtjevima koji ne prelaze iznos od 3.000,00 KM.
- (2) Na obrazloženi prijedlog ministra Ministarstva, zaključak o dodjeli sredstava u iznosu većem od 3.000,00 KM donosi Vlada Kantona

- (3) Ministarstvo dostavlja općinskoj službi odluku i obavijest o stavu po zaprimljenim prijedlozima, uz povrat kompletne dokumentacije.
- (4) Na osnovu dostavljene odluke Ministarstva o odobravanju sredstava, općinska služba donosi rješenje u skladu sa članom 211. Zakona o upravnom postupku.
- (5) Uplata odobrene novčane pomoći za nabavku, odnosno servisiranje/opravku ortopedskih i drugih pomagala se vrši na račun općinske službe, koja vrši isplatu odobrenih sredstava na račun prodavca, odnosno korisnika koji dostavi dokaz o uplati sredstava, a u roku od 15 dana po realizaciji pomoći dostavlja Ministarstvu pravdanje utrošenih sredstava.
- (6) Rješenje o odbacivanju ili odbijanju zahtjeva, u skladu sa zaključkom Komisije u tom smislu, općinska služba donosi u skraćenom postupku na osnovu člana 139. stav 1. i 2. Zakona o upravnom postupku.
- (7) O žalbi na rješenje općinske službe rješava Ministarstvo.

Član 21.

(Ponovni zahtjev)

Podnosioci zahtjeva kojima nije odobrena nabavka ortopedskog ili drugog pomagala, mogu podnijeti novi zahtjev nakon isteka roka od godine dana od dana konačnosti rješenja o odbijanju prethodnog zahtjeva.

POGLAVLJE III. LIJEČENJE I NABAVKA LIJEKOVA

Član 22.

(Prava ratnih vojnih invalida)

- (1) Ratni vojni invalidi, u skladu sa ovom Odlukom, ostvaruju pravo na novčanu pomoć u svrhu naknade troškova specijalističkih pregleda, nabavke lijekova i sanitetskog materijala u cilju liječenja rana i povreda posljedično vezanih za učešće u ratu.
- (2) Zahtjev za pomoć za ostvarenje prava iz stava (1) ovog člana ratni vojni invalid podnosi općinskoj službi, zajedno sa nalazom nadležne zdravstvene ustanove odnosno ljekara specijaliste i drugim dokazima iz kojih je vidljiva opravdanost njegovog zahtjeva.

Član 23.

(Liječenje branilaca i članova njihovih porodica)

Pravo na novčanu pomoć u svrhu naknade troškova liječenja i nabavke lijekova za potrebe lica iz člana 2. i 4. ove Odluke i članova njihovih porodica, ostvaruje se u skladu sa odredbama ove Odluke.

Član 24.

(Troškovi liječenja)

Pod troškovima liječenja podrazumjevaju se i troškovi prijevoza veći od 50,00 KM ostvareni u jednom mjesecu, a visina novčane pomoći cijenit će se kroz broj odlazaka u zdravstvenu ustanovu u određenom vremenskom periodu.

Član 25.

(Posebni uvjeti)

- (1) Novčanu pomoć za ostvarenje prava iz člana 23. ove Odluke, branioci i članovi njihovih porodica mogu ostvariti pod uvjetom da:
 - a) postoje evidentni troškovi liječenja i kupovine ordiniranih lijekova koji nisu na esencijalnoj listi;

- b) da u toku tekuće godine nisu primili ovaj oblik pomoći za liječenje istog oboljenja (osim u slučajevima oboljenja iz člana 31. stav 2. ove Odluke).

Član 26.

(Potrebna dokumentacija)

- (1) Zahtjev za odobravanje pomoći za liječenje i nabavku lijekova lica iz člana 2. i 4. ove Odluke podnose općinskoj službi, a uz isti prilažu slijedeću dokumentaciju:
- a) dokaz o statusu branioca i člana njegove porodice;
 - b) fotokopija lične karte;
 - c) dokaz o prebivalištu u trajanju od najmanje 24 mjeseca u kontinuitetu do dana podnošenja zahtjeva (osim povratnika u RS);
 - d) dokaz o prihodima članova domaćinstva (primanja po osnovu radnog odnosa, uvjerenje Službe za zapošljavanje o nezaposlenosti podnosioca zahtjeva i članova njegovog domaćinstva i dr.);
 - e) ovjerena izjava o zajedničkom domaćinstvu (kućna lista);
 - f) medicinska dokumentacija i drugi dokazi iz kojih se mogu utvrditi troškovi liječenja i kupovine ordiniranih lijekova (nalaz ljekara specijaliste sa utvrđenom dg i th i drugi nalazi ljekara iz kojih se mogu utvrditi troškovi liječenja i kupovine ordiniranih lijekova) sa priloženim računima o troškovima liječenja i kupovini ordiniranih lijekova;
 - g) dokument (potvrda, rješenje) izdat od strane Zavoda o participaciji u troškovima nabavke lijekova koji nisu na esencijalnoj listi, ukoliko je riječ o kupovini lijekova koji se ne propisuju i izdaju na teret sredstava obaveznog zdravstvenog osiguranja;
 - h) odluku Komisije Zavoda o odobravanju liječenja van Kantona, ukoliko se zahtjev odnosi na liječenje van Kantona;
 - i) ukoliko se pomoć traži za liječenje u inozemstvu potrebno je priložiti: potvrdu (nalaz) konzilija ljekara specijaliste nekog od kliničkih centara da liječenje nije moguće obaviti u BiH, potpisanu od strane tri klinička doktora i šefa klinike, potvrdu da liječenja navedene bolesti ne spada u oboljenja koja se liječe na teret Fonda solidarnosti FBiH, te potvrdu Zavoda o učešću u troškovima liječenja i kupovine lijekova na teret sredstava Zavoda, kao i priloženim predračunom / računom o troškovima liječenja i kupovine lijekova i
 - j) druge dokaze iz kojih se može utvrditi opravdanost zahtjeva.
- (2) Prihod u smislu stava (1) tačka d) ovog člana čine primanja koje članovi domaćinstva ostvaruju po osnovu plaća i drugih primanja iz radnog odnosa, starosne, invalidske i porodične penzije, privredne, uslužne i druge djelatnosti i doporskog rada, osim novčanih primanja po osnovu branilačko-invalidske i socijalne zaštite, dodatka na djecu, stipendija i kredita učenika i studenata.

Član 27.

(Odbijanje zahtjeva)

Novčana pomoć za liječenje i nabavku lijekova neće biti odobrena:

- a) ukoliko se vrši kupovina lijekova po ekonomskoj cijeni, a takvi lijekovi se nalaze na esencijalnoj listi ili lijekova za koje postoji zamjena istog generičkog sastava, a nalaze se na esencijalnoj listi;
- b) ukoliko su zdravstvene usluge plaćene, a isto je moglo biti obavljeno na teret sredstava obaveznog zdravstvenog osiguranja, izuzev za slučajeve iz člana 22. ove Odluke;
- c) za obavljene stomatološke usluge, izuzev ako su iste posljedica ranjavanja;
- d) u slučaju neusaglašene medicinske dokumentacije i računa za lijekove.

Član 28.

(Postupak po zahtjevu)

Općinska služba kojoj je podnesen zahtjev za ostvarivanje prava na novčanu pomoć za liječenje i nabavku lijekova, dužna je u roku od sedam dana od dana podnošenja zahtjeva:

- a) utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
- b) u slučaju potrebe izvršiti neposredan uviđaj u stvarima iz zahtjeva;
- c) sačiniti izvještaj o socijalno-ekonomskoj situaciji podnosioca zahtjeva i članova porodice;
- d) sačiniti obrazložen prijedlog o visini novčane pomoći ili odbijanju zahtjeva i isti sa kompletnom dokumentacijom dostaviti Ministarstvu.

Član 29.

(Novčana pomoć do 200,00 KM)

- (1) Na osnovu priložene dokumentacije iz člana 26. Odluke i drugih dokaza iz kojih se mogu utvrditi troškovi liječenja i kupovine lijekova u iznosu do 200,00 KM, rješenje o priznavanju prava ili odbijanju zahtjeva donosi općinska služba.
- (2) O žalbi na rješenje iz stava (1) ovog člana rješava Ministarstvo.
- (3) Pravosnažna rješenja o priznavanju prava iz stava (1) ovog člana, sa obrazloženjem za svaki pojedinačni zahtjev, općinska služba dužna je odmah, a najkasnije u roku od tri naredna dana, dostaviti Ministarstvu na daljnju realizaciju.

Član 30.

(Prijedlog za pomoć u liječenju)

- (1) Prijedlog za odobravanje sredstava novčane pomoći za liječenje u iznosu većem od 200,00 KM sa podnesenim zahtjevom i potrebnom dokumentacijom iz člana 26. Odluke, općinska služba dostavlja Ministarstvu najdalje u roku od osam dana od dana podnošenja zahtjeva.
- (2) Podnesene zahtjeve za novčanu pomoć po ovoj Odluci, razmatra tročlana komisija Ministarstva, koju imenuje ministar Ministarstva posebnim rješenjem.
- (3) Zadatak Komisije je da razmotri dostavljene prijedloge općinskih službi, izvrši uvid u priloženu dokumentaciju, konstatuje ispravnost postupka, te dostavi ministru Ministarstva obrazložen stav o opravdanosti zahtjeva sa prijedlogom o dodjeli novčane pomoći.
- (4) U svom radu po podnesenim zahtjevima, Komisija ima pravo vršiti provjeru podnesene dokumentacije, tražiti dopunu iste, te u posebnim slučajevima tražiti stručno mišljenje Ministarstva zdravstva, Zavoda, kao i drugih nadležnih ustanova u vezi sa odgovarajućim liječenjem, te nabavkom i kupovinom lijekova za pomoć u liječenju.

Član 31.

(Odobrovanje sredstava za liječenje)

- (1) Prilikom odobravanja sredstava za liječenje vodiće se računa o socijalno-ekonomskom statusu podnosioca zahtjeva, težini i prirodi bolesti, visini potrebnih sredstava, hitnosti slučaja, kao i broju podnesenih zahtjeva.
- (2) Prioritet za odobravanje sredstava imaju slučajevi iz člana 22. ove Odluke i slučajevi teških oboljenja kao što je akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.

- (3) Na osnovu prijedloga Komisije, o dodjeli sredstava po podnesenim zahtjevima u pojedinačnim iznosima koji ne prelaze iznos od 2.000,00 KM odlučuje ministar Ministarstva, koji istovremeno utvrđuje dinamiku isplate.
- (4) Na obrazloženi prijedlog ministra Ministarstva, zaključak o dodjeli sredstava u iznosu većem od 2.000,00 KM donosi Vlada Kantona.
- (5) Pomoć za liječenje i kupovinu lijekova u izuzetnim slučajevima može se osigurati i na drugi način, kroz izravnu nabavku odgovarajućih lijekova ili plaćanje zdravstvenih usluga.

Član 32.

(Izdavanje rješenja)

- (1) Na osnovu dostavljene obavijesti Ministarstva o odobravanju pomoći, općinska služba donosi rješenje.
- (2) O žalbi na rješenje iz stava (1) ovog člana rješava Ministarstvo.

Član 33.

(Dostava i pravdanje sredstava)

- (1) Općinska služba obavještava lica kojima su doznačena odobrena sredstva i istim vrši isplatu putem tekućih računa.
- (2) Općinska služba je dužna u roku od 15 dana po realizaciji pomoći dostaviti Ministarstvu pravdanje utrošenih sredstava.

DIO TREĆI - ZAVRŠNE ODREDBE

Član 34.

(Sredstva za ostvarivanje prava)

Sredstva za ostvarivanje prava utvrđenih ovom Odlukom osiguravaju se u Budžetu Kantona.

Član 35.

(Evidencija)

Elektronsku evidenciju o podnesenim zahtjevima i korisnicima prava po ovoj Odluci vode općinske službe i Ministarstvo, po obrascima koje propisuje ministar Ministarstva, u roku od osam dana od dana stupanja na snagu ove Odluke.

Član 36.

(Instrukcije i nadzor)

- (1) U realizaciji ove Odluke, ministar Ministarstva može donijeti odgovarajuće instrukcije.
- (2) Nadzor nad provođenjem ove Odluke ima Ministarstvo.

Član 37.

(Ravnopravnost spolova)

Sve imenice koje se odnose na braniocima i članove njihovih porodica, upotrijebljene u ovoj Odluci samo u muškom ili samo u ženskom rodu, odnose se na oba spola.

Član 38.

(Stavljanje Odluke van snage)

Danom stupanja na snagu ove Odluke prestaje važiti Odluka o proširenom obimu prava iz zdravstvene zaštite za branioce i članove njihovih porodica ("Službene novine Zeničko-dobojskog kantona" broj 3/08 i 7/13).

Član 39.

(Ranije započeti postupci)

Svi slučajevi odnosno postupci koji do dana stupanja na snagu ove Odluke nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

Član 40.

(Stupanje na snagu i objavljivanje Odluke)

Odluka stupa na snagu osmog dana od dana objavljivanja u "Službenim novinama Zeničko-dobojskog kantona.

Broj: 01-02- /15

Datum, __.05.2015. godine
Zenica

PREDSJEDAVAJUĆA
Draženka Subašić

O B R A Z L O Ž E N J E

I. Ustavni i zakonski osnov za donošenje Odluke

Ustavni osnov za donošenje Odluke o proširenom obimu prava iz oblasti zdravstvene zaštite za branioce i članove njihovih porodica, sadržan je u članu 37. tačka f) Ustava Zeničko-dobojskog kantona, kojim je propisano da Skupština donosi zakone i ostale propise za izvršavanje kantonalnih nadležnosti. Zakonski osnov za donošenje Odluke sadržan je u članu 6. stav 2. Zakona o dopunskim pravima branilaca i članova njihovih porodica, kojim je propisano da će Skupština Kantona posebnim propisom utvrditi ostvarivanje zdravstvene zaštite za lica koja nisu osigurana, kao i prošireni obim prava iz oblasti zdravstvene zaštite branilaca i članova njihovih porodica, te pravo na liječenje u inozemstvu.

II. Razlozi za donošenje Odluke i obrazloženje pojedinih rješenja

Programom rada Skupštine Kantona za 2015. godinu predviđeno je i donošenje Odluke o proširenom obimu prava iz oblasti zdravstvene zaštite za branioce i članove njihovih porodica, kao podzakonskog akta po Zakonu o dopunskim pravima branilaca i članova njihovih porodica, objavljenog u Službenim novinama ZDK broj 1/14.

Članom 6. Zakona utvrđeno je pravo na zdravstvenu zaštitu branilaca i članova njihovih porodica:

1/ Branioci i članovi njihovih porodica ostvaruju pravo na zdravstvenu zaštitu iz obaveznog zdravstvenog osiguranja, saglasno odredbama Zakona o zdravstvenoj zaštiti i Zakona o zdravstvenom osiguranju ukoliko to pravo ne mogu ostvariti po drugom osnovu. 2/ Ostvarivanje zdravstvene zaštite za lica koja nisu osigurana u skladu sa stavom 1. ovog člana, kao i prošireni obim prava iz oblasti zdravstvene zaštite branilaca i članova njihovih porodica, posebnim propisom utvrđuje Skupština Zeničko-dobojskog kantona. 3/ Propisom iz prethodnog stava naročito se reguliše pitanje nabavke ortopedskih i drugih pomagala i njihova opravka, te osiguranje potrebnih lijekova i sanitetskog materijala za liječenje rana i povreda, posljedično vezanih za učešće u ratu.

Član propisuje donošenje podzakonskog akta kojim se utvrđuje način i postupak ostvarivanja utvrđenih prava na nabavku ortopedskih i drugih pomagala i njihova opravka, te osiguranje potrebnih lijekova i sanitetskog materijala za liječenje rana i povreda, posljedično vezanih za učešće u ratu.

Na osnovu odredbi ranijeg Zakona o dopunskim pravima branilaca i članova njihovih porodica ("Službene novine ZDK" br. 6/06 i 9/07), dana 26.02.2008.god., Skupština je donijela Odluku o proširenom obimu prava iz oblasti zdravstvene zaštite za branioce i članove njihovih porodica, koja je objavljena u "Službenim novinama ZDK" br. 3/08. U periodu usklađivanja podzakonskih akata sa Zakonom o izmjenama i dopunama Zakona o dopunskim pravima branilaca i članova njihovih porodica ("Službene novine ZDK" br. 18/12) donesena je i Odluka o izmjenama i dopunama Odluke o proširenom obimu prava iz oblasti zdravstvene zaštite za branioce i članove njihovih porodica, koja je objavljena u Službenim novinama ZDK br. 7/13). Osim usklađivanja sa Zakonom, tada izvršenim izmjenama i dopunama Odluke nastojalo se, na osnovu iskustva Ministarstva i nadležnih službi za branilačko-invalidsku zaštitu u općinama otkloniti problemi u vezi nadzora i kontrole ostvarivanja prava iz ove oblasti, te udovoljiti zahtjevima kantonalnih branilačkih udruženja iskazanim u prethodnom petogodišnjem periodu primjene osnovne Odluke, a u skladu sa finansijskim mogućnostima Budžeta Kantona i opredijeljenim sredstvima na transferima Ministarstva u ovu svrhu.

Prijelaznim odredbama novog Zakona o dopunskim pravima branilaca i članova njihovih porodica ("Službene novine ZDK" br. 1/14) predviđena je primjena podzakonskih akata donesenih na osnovu ranijeg Zakona, a do donošenja novih u skladu sa važećim Zakonom.

S tim u vezi je Ministarstvo za boračka pitanja kao obrađivač teksta Odluke, u osnovi koristilo tekst još važeće Odluke donesene na osnovu prethodnog Zakona, a koji je uskladilo sa odredbama novog Zakona, te predložilo i određene dopune za koje smatra da će biti u funkciji poboljšanja ostvarivanja prava iz ove oblasti.

Na sastanku održanom u Ministarstvu 28.03.2014.god. sa predstavnicima kantonalnih branilačkih udruženja, postignut je dogovor u pogledu novog teksta Odluke, kom prilikom su prihvaćene određene sugestije na tom prilikom prezentirani tekst obrađivača, a što je sve i zapisnički konstatovano.

Novine u odnosu na tekst važeće Odluke o proširenom obimu prava iz oblasti zdravstvene zaštite za branioce i članove njihovih porodica, u predloženom tekstu nove Odluke su slijedeće:

U članu 2. Odluke za korisnike prava utvrđen uvjet prebivališta na području Kantona u trajanju od najmanje 24 mjeseca u kontinuitetu do dana podnošenja zahtjeva (osim za povratnike u Republiku Srpsku), dakle za sve korisnike prava (do sada ovim uvjetom nisu bili obuhvaćeni ratni vojni invalidi kod naknade troškova specijalističkih pregleda, nabavke lijekova i sanitetskog materijala u cilju liječenja rana i povreda posljedično vezanih za učešće u ratu). Ovo je rezultat nastojanja eliminacije slučajeva lažnog prijavljivanja prebivališta na području Kantona u svrhu pribavljanja sredstava Budžeta namijenjenog u ovu svrhu.

Također, zbog značajnog broja slučajeva nemogućnosti udovoljenja zahtjevima korisnika za dodjelu odgovarajućih sredstava po Odluci, za demobilizirane branioce - korisnike prava utvrđen je uvjet da imaju status učesnika rata (po definiciji iz Federalnog i Kantonalnog zakona - lice koje je u sastavu Oružanih snaga provelo najmanje jednu godinu neprekidno u periodu 20.06.1992.- 23.12.1995.g.) za zdravstveno osiguranje, i uvjet učešća u sastavu Oružanih snaga u periodu 06.04.1992.- 23.12.1995.g. od najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu – za druga dva prava po Odluci: ortopedska pomagala i liječenje.

Izmjenama u članu 8. Odluke (član 6.važeće Odluke) se briše dosadašnji stav (4) koji je davao mogućnost zdravstvenog osiguranja do 6 mjeseci licima koja su izgubila zdravstveno osiguranje po osnovu statusa nezaposlenog lica, s obzirom da nema više ograničenja tog prava rokom (zbog čega ni sam stav više nema svrhe) a uvodi se novi stav kojim se zdravstveno osiguranje predviđa i za lica koja ne mogu ostvariti zdravstvenu zaštitu u mjestu prebivališta na području Kantona po osnovu zdravstvenog osiguranja koje imaju u Republici Hrvatskoj, a zbog nereguliranih međudržavnih sporazuma u tom smislu. Ovim se otklanjanju evidentni problemi nemogućnosti ostvarenja zdravstvene zaštite određenog broja pripadnika branilačke populacije, a što je predstavljalo više puta isticani problem od strane nadležnih općinskih službi.

Izmjene u odnosu na postojeću Odluku su i u članu 13. tačka c), (važeći član 11.), gdje se na zahtjev UG RVI paraplegičara smanjuje predviđena težina invalidskih kolica sa 12 na 10 kg, te umjesto termina "rasklopiva" ubuduće koristi termin "preklopiva".

Izrada teksta Odluke je izvršena u skladu sa Jedinstvenim pravilima za izradu pravnih propisa u Zeničko-dobojskom kantonu ("Službene novine ZDK" broj 5/08). S tim u vezi su izvršene određene korekcije tehničke prirode u tekstu važeće Odluke, a koja je osnova za izradu ovog Prijedloga, imajući u vidu da su Jedinstvena pravila donesena nakon stupanja na snagu iste.

U postupku izrade Odluke u skladu sa mišljenjem Sekretarijata za zakonodavstvo otklonjeni su određeni nedostaci u tekstu, a iz mišljenja Ministarstva za pravosuđe i upravu evidentno je da isti organ nije imao značajnijih primjedbi na predloženi tekst. Po dostavljenom Prijedlogu Odluke u tekstu usaglašenom sa predstavnicima branilačkih udruženja na sastanku od 28.03.2014.god. zaključkom Vlade od 17.04.2014.g. odloženo je izjašnjavanje po dostavljenom na razmatranje Prijedlogu Odluke, sa zaduženjem Ministarstvu za boračka pitanja za doradu ostog i pribavljanjem novog mišljenja Ministarstva finansija, u skladu sa iznesenom diskusijom na sjednici. U svom Mišljenju broj 07/02-02-5586-3/14 od 05.05.2014.godine, Ministarstvo finansija je uputilo zahtjev za preciziranje finansijskih efekata predložene Odluke, a što je i ispoštovano, odnosno uneseno u tekst Obrazloženja Odluke – tačka IV.Finansijska sredstva potrebna za provedbu Odluke. Tom prilikom izneseni zahtjev Ministarstva finansija za unosenje u član 34. Prijedloga Odluke stava (2) koji bi glasio: "Sredstva planirana Budžetom Zeničko-dobojskog kantona za namjene predviđene ovom Odlukom, realizovat će se isključivo u skladu sa procentom ostvarenja javnih prihoda u Budžet Kantona.", iznesen je i u svim ostalim mišljenjima naznačenog organa na prijedloge ostalih podzakonskih akata koji donosi Vlada u realizaciji obaveza iz Zakona o dopunskim pravima branilaca i članova njihovih porodica, Ministarstva za boračka pitanja kao obrađivača, a koji su u tom periodu bili u fazi donošenja.

U vezi sa istim zahtjevom Ministarstvo za boračka pitanja je u obrazloženju prijedloga zaključka o utvrđivanju Prijedloga Odluke, upućenog Vladi 27.06.2015.god., iznijelo stav da bi unošenje takve odredbe bilo u suprotnosti sa odredbom člana 53. Zakona o dopunskim pravima branilaca i članova njihovih porodica, koja reguliše pitanje finansijskih sredstava za realizaciju Zakona, sa naznakom da je Odluka opći akt koji reguliše ostvarivanje određenih prava po naznačenom Zakonu i odnosi se na neograničeni broj lica i slučajeva i nije vezana rokom trajanja. Uvjetovanje primjene prava iz Odluke trenutno raspoloživim budžetskim sredstvima imalo bi smisla jedino u slučaju da je Odluka podzakonski akt po Zakonu o izvršenju Budžeta za određenu godinu, što nije slučaj. S tim u vezi Ministarstvo je naglasilo da ne može prihvatiti ovaj zahtjev a Ministarstvu finansija sugerisalo da sva pitanja u vezi utroška sredstava po Zakonu o dopunskim pravima branilaca i članova njihovih porodica reguliše u postupku usvajanja Programa utroška sredstava Ministarstva za boračka pitanja za svaku budžetsku godinu. Ministarstvo je također zatražilo od kantonalnih branilačkih udruženja očitovanje po ovom zahtjevu Ministarstva finansija. U svojim odgovorima Savez ratnih vojnih invalida ZDK, UG RVI-paraplegičara ZDK, Savez slijepih boraca ZDK i Savez demobilisanih boraca OOR 1992-1995 ZDK, kategorički su odbili unošenje naznačene odredbe u tekst Odluke.

S tim u vezi stav Ministarstva za boračka pitanja, kao obrađivača ovog teksta Prijedloga Odluke, je isti po pitanju naprijed iznesenih zahtjeva iz priloženih u materijalu mišljenja Ministarstva finansija.

III. Načela na kojima se zasniva Odluka

Prijedlog Odluke je urađen u skladu sa reformskim opredjeljenjima Zeničko-dobojskog kantona u oblasti socijalne politike i zaštite pripadnika branilačke populacije, i uz nastojanje poboljšanja socijalno-ekonomskog i drugog statusa ove kategorije stanovništva Kantona.

IV. Finansijska sredstva potrebna za provedbu Odluke

Finansijska sredstva za provedbu ove Odluke osigurana su u Budžetu Zeničko-dobojskog kantona za 2015.godinu ("Sl. novine ZDK br.2/15), na budžetskoj stavci Ministarstva za boračka pitanja, razdjel 24, budžetska organizacija 01, potrošačka jedinica 0001, ekonomski kod 614200, subanalitika OAD 205 "Ortopedska i druga pomagala" u visini od 120.000,00 KM, OAD 214 "Pomoć za liječenje i nabavku lijekova" u visini od 650.000,00 KM i OAD 223 "Zdravstvena zaštita neosiguranih lica" u visini od 150.000,00 KM. Za provođenje ove Odluke nije potrebno osiguravanje dodatnih budžetskih sredstava, s obzirom da ista predviđa sužavanje dosadašnjeg kruga korisnika prava iz zdravstvene zaštite.